



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Fratri Rainerio.

**urn:nbn:de:hbz:466:1-20006**

\* In vet. cod. Ms. Illuminiss. V. fol. Bap. Col-leti legitur, Falaren.

inter Ecclesiam tuam & monasterium multipliciter agebatur, æquitate suadente mandavimus ut monachi Falaren, nullum de cetero ad sepulturam recipient, nisi sit eorum Oblatus, vel alius qui secundum institutionem Cistercien, ordinis apud eos valeat sepeliri. Porro tam de Oblatis quam de aliis jussimus observandum, ut quarta testamentorum redditus illis Ecclesias à quibus mortuorum corpora assumentur; nisi talis fuerit Oblatus qui habitum eorum suscepit ante mortem, vel antequam infirmaretur se offerens, vivus transeat ad eorum monasterium tumulandus, fraudis omnino cessante figmento. Sicut ergo super his quæ mandavimus, nullum Ecclesiæ tuae volumus præjudicium irrogari, sic eidem monasterio nullum gravamen inferri. salvis per omnia Cistercien, ordinis institutis. Quod autem de quarta testamentorum religionis favore mandavimus, nullum consuetudinibus & rationibus aliarum Ecclesiarum volumus impedimentum præstare. Ne vero mandatum nostrum in dubium valeat revocari, ipsum præsenti pagina duximus annotandum. Datum Laterani XII. Kal. Novembris.

*In eundem modum scribitur Abbati & Conventui Falaren.*

*FRATRI RAINERIO.*

Epiſt. 195.  
Dame facultas  
reformandi Ec-  
clesias per quas  
transfuſerunt.

**G**ratus tui nominis odor, & suavis tuae famæ dulcedo, per quam tuae religionis honestas dignis undique laudem præconis exaltatur, tam ex literis quam ex relatione plurium ad nos usque pervenit. ex quo tanto ampliori gratulatione animi jocundamur, ac spiritus noster in Domino recreatur, qui suorum ministrorum dirigit actus in bonum, quanto tam ex communi fama quam ex confidentia quam de tua gerimus puritate cognoscimus evidentius atque scimus quod per opera quæ laudabiliter operaris ipso duce qui est lucerna pedum tuorum, & ipse Deus glorificatur in terris, & gloria nobis & Ecclesiæ Romanae non modicus honor accrescunt. Nos igitur exemplo illius qui negotiatorem suum fidelem inveniens, ei multo majora commisit, sperantes quod pater omnium bonorum semper in melius tuas dirigat actiones, ut Ecclesias quas in locis, per

quæ transitum feceris, invenies à suo statu dilapsas, possis ad statum congruum revocare, statuendo in eis quæ secundum Deum videris statuenda, & corrigendo juxta canonicas sanctiones quæ corridentia fuerint, liberam tibi concedimus auctoritate apostolica facultatem. Volamus autem ut ea propter quæ specialiter te direximus, principaliter exequaris. Nulli ergo &c. Datum Laterani III. Kal. Novembris.

*A QVEN. ARCHIEPISCOPO.*

**C**um venerabilis frater noster Foro-julien. Episcopus recognoscens suam insufficientiam & defectum, & timens ex hoc sibi & Ecclesiæ sua grave periculum imminere, nobis per suas literas intimasset quod desiderium haberet ac propositum pontificali cedere dignati, nos volentes in hoc debita maturitate procedere, statum Foro-julien. Ecclesiæ ac personæ ipsius Episcopi tibi commisimus inquirendum, ut per te certi redderemur qualiter esset in negotio procedendum. Sicut autem ex literis tuis nobis innotuit, tam Ecclesiæ Foro-julien. quam ipsi Episcopo plurimum expedit ut eidem abrenuntiandi pontificali officio licentiam tribuamus, cum ille propter impedimenta tam cordis quam corporis non possit Ecclesiæ regimini congrue providere, & ipsius administratio potius redundet in ejusdem Ecclesiæ detrimentum. Volentes igitur tam saluti ejusdem Episcopi quam necessitatibus ipsius Ecclesiæ, prout tenemur ex injuncto nobis officio, præcavere, fraternitati tuae per apostolica scripta mandamus quatenus solenniter & publicè ipsius recipias auctoritate apostolica cessionem. Facta vero cessione spontanea, Canonicos Foro-julien. moneas & inducas ut alium Episcopum eligant, qui tam spiritualiter quam temporaliter sit idoneus ad gerendam solitudinem pastoralem. Datum ut supræ.

*N O B I L I V I R O*

*R. Comiti Tolosano.*

**C**um in tantum te olim oriens ex alto respexerit, & tenebras tuae mentis lux illa dignata fuerit illustrare quæ illuminat hominem venientem in hunc mundum, ut reconciliatus fueris ecclesiastice unitati, à qua fueras ob tuorum excessum multitudinem separatus,

Epiſt. 396.  
Ut resignatio-  
nem Episcopi  
Foro-julienis  
recipiat, & aliū  
idoneum Epis-  
copum eligi-  
cetur.

Epiſt. 397.  
Ut contra Pa-  
ganos arma  
fulcipias.

Gg